

# DORVODÁIDDUT JA MÁNÁ GORUT

## DIEHTU, DÁIDU JA JURDDAŠANVUOHKI



NAMAT  
OLBMOGORUDA  
SIERRA OSIIDE

### MAID MÁNNÁ GALGÁ DIEHTIT

Muital mánnái olbmogoruda buot sierra osiin.

Oahpat mánnái sániid, maiguin goruda sierra osiid gohčodit.

Oahpásnuva ovttas mánáin sierra vugiiguin olbmogorudii: geahčči govaid, sárgu ja duhkoraddi.

### MAID MÁNNÁ GALGÁ MÁHTTIT

Mánná diehtá, ahte goruda buot osiin oažžu hállat ollesolbmuiguin ja eará mánáiguin.

Mánná máhtá hállat iežas gorudisttis.

Mánná máhtá geavahit heivvolaš ja dohkkehahtti namahusaid goruda osiin.

### MAID MÁNNÁ JURDDAŠA GORUDISTTIS

Olbmogoruda buot oasit leat seamma buorit.

Lea dehálaš atnit árvvus ja dikšut iežas goruda.

Buotlágan gorudat leat seamma buorit.

Lea buorre, ahte leat mánggalágan gorudat.



VUJADAN-  
BIVTTAS-  
NJUOLGGADUS

### MAID MÁNNÁ GALGÁ DIEHTIT

Muital mánnái, ahte goruda oasit, mat leat vuojudanbiktasa vuolde, leat máná iežas opmodat. Mánná oažžu ieš mearridit dain.

Giige ii oaččo guoskahallat dahje hállat máná lobi haga gorutosiin, mat leat vuojudanbiktasa vuolde.

Oahpásnuvvi ovttas mánáin sierra vugiiguin vuojudanbivttasnjuolggadussii: geahčči govaid, sárgu ja duhkoraddi.

### MAID MÁNNÁ GALGÁ MÁHTTIT

Mánná dovda goruda priváhta osiid, maid ii dárbaš čájehit geasage, jus ii hálit.

Mánná diehtá, ahte nubbi sáhtá geahččat dahje dutkat goruda osiid, mat leat vuojudanbiktasa vuolde dušše, juos dat lea vuogas goabbáige.

Mánná dovda vuojudanbivttasnjuolggadusa ja máhtá dadjat ii, juos gii nu rihkku njuolggadusa.

### MAID MÁNNÁ JURDDAŠA GORUDISTTIS

Gorudis leat earenoamáš, priváhta ja divrras báikkít.

Daid galgá ja oažžu suddjet.

Daid eai láve čájáhallat buohkaide, vaikko dat leatge buorit ja divrasat.



GUOSKKA-  
HALLAMA  
NJUOLGGADUS

### MAID MÁNNÁ GALGÁ DIEHTIT

Muital mánnái, makkár sierra vugiiguin nuppi olbmo sáhtá guoskahallat.

Nuppi olbmo oažžu guoskahallat dušše, juos dat leat nuppi olbmo mielas vuogas ja son diktá dan dahkat.

Guoskahallan ii oaččo leat váivi, iige das oaččo šaddat bahčamiella.

Juohkehaš ieš diehtá buoremusat, mo guoskahallan orru ja háliidago dan.

Buorre guoskahallan ii leat suollemas.

Buorre guoskahallamis šaddá buorre ja dorvvolaš dovdu.

Bahás guoskahallan bávččada, baldá dahje suhttada.

### MAID MÁNNÁ GALGÁ MÁHTTIT

Mánná máhtá jearrat lobi ovdal go guoskahallá nuppi, ovdamearkan cummesta dahje guoská priváhta báikkiide.

Mánná máhtá earuhit sierralágan guoskahallama ja dan, ahte dat dovdojit eará láhkai.

Mánná máhtá earuhit iežas dovdduidis.

Mánná máhtá dadjat ii, juos son ii hálit guoskahallama.

Mánná jáhká, juos nubbi máná giel dá guoskahallama.


### MAID MÁNNÁ JURDDAŠA GORUDISTTIS

Mánná oažžu ieš mearridit das, gii oažžu guoskahallat su goruda.

Nuppi olbmo goruda galgá álot gudnejahttit.

Juohkehaččas lea vuoigatvuohta mearridit ieš iežas gorudis, ja dan galgá gudnejahttit.

Giige ii oaččo hállat romet nuppi olbmo gorudis, dasgo dat sáhtá loavkašuhhtit ja buktit bahča miela.



GOLMMA  
CEAHKI  
NJUOLGGADUS

### MAID MÁNNÁ GALGÁ DIEHTIT

Oahpat mánnái golmma ceahki njuolggadusa.

Juos muhtin dáhpáhus dahje guoskahus orru váivi:

1. Daja II.
2. Vuolgge eret.
3. Muital áššis oahpes ja dorvvolaš ollesolbmui.

### MAID MÁNNÁ GALGÁ MÁHTTIT

Mánná máhtá doaibmat rivttes láhkái, juos dáhpáhus lea balddihahtti dahje orru váivi.

Mánná máhtá earuhit unohas guoskahusa ja biehttalit das, juos dat orru váivi.

Mánná máhtá ohcat veahki.

### MAID MÁNNÁ JURDDAŠA GORUDISTTIS

Mánná oažžu bealuštit iežas.

Ollesolbmot veahkehit máná čuovvut golmma ceahki njuolggadusa.

Mánná sáhtá ja sus lea lohpi ohcat veahki ollesolbmui.

Dorvvolaš ollesolbmui gánniha muitalit, juos guoskaheapmi lea leamaš unohas.

[vaestoliitto.fi/lapsijaseksuaalisuus](http://vaestoliitto.fi/lapsijaseksuaalisuus)